



Broj: JN-1-16-3-9-3/19

Mostar; 08.05.2019. godine

Na osnovu člana 56. Zakona o hrani („Službeni glasnik BiH“, broj 50/04), člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, broj 39/14), člana 27. Pravilnika o javnim nabavkama (broj: 01-1-02-3-86/15 od 23.01.2015. godine), shodno prijedlogu Komisije za provođenje postupka javne nabavke *Laboratorijske usluge analiza na prisustvo pesticida u i na hrani biljnog i životinjskog porijekla*, direktor Agencije za sigurnost hrane Bosne i Hercegovine, donosi:

O D L U K U

o izboru najpovoljnijeg dobavljača za Laboratorijske usluge analiza na prisustvo pesticida u i na hrani biljnog i životinjskog porijekla

I

Prihvata se prijedlog Komisije za provođenje postupka javne nabavke za Laboratorijske usluge analiza u i na hrani biljnog i životinjskog porijekla te je dobavljač Institut za vode d.o.o. Bijeljina izabran kao najpovoljniji iz razloga što je ponuda ponuđača ocjenjena kao kompletna i prihvatljiva a u skladu sa postavljenim kriterijem najniža cijena tehnički zadovoljavajuće ponude.

II

Okvirni sporazum za javnu nabavku usluga dodjeljuje se dobavljaču iz tačke I ove Odluke, sa ukupnom cijenom ponude u iznosu od 83.136,90 KM bez PDV-a.

III

Predmetni postupak nabavke proveo se putem otvorenog postupka. U predviđenom roku za prijem ponuda (07.05.2019. godine do 11 sati) u Agenciju za sigurnost hrane Bosne i Hercegovine zaprimljena je 1 (jedna) ponuda.

Obavještenje o nabavci objavljeno je na portalu javnih nabavki broj: 365-1-2-6-3-5/19 dana: 16.04.2019. godine i u „Službenom glasniku BiH“, broj 29/19.

IV

Ova Odluka objavljuje se na web stranici Agencije za sigurnost hrane Bosne i Hercegovine www.fsa.gov.ba istovremeno sa upućivanjem obavijesti ponuđačima koji su učestvovali u postupku javne nabavke.

V

Obavještenje o dodjeli ugovora i Izvještaj o provedenom postupku nabavke će biti dostavljen Agenciji za javne nabavke Bosne i Hercegovine u skladu sa članom 74. i 75. Zakona o javnim nabavkama („Službeni glasnik BiH“, broj 39/14).

VI

Ova odluka stupa na snagu danom donošenja.

Образложење

Odlukom broj: JN-1-16-3-9/19 od 12.04.2019. godine pokrenut je postupak javne nabavke usluga pod nazivom: „Laboratorijske usluge analiza na prisustvo pesticida u i na hrani biljnog i životinjskog porijekla“.

Komisija za provođenje postupka javne nabavke imenovana je Odlukom broj: 01-16-3-457-2/19 od 12.04.2019. godine

Postupak nabavke proveden je putem otvorenog postupka. Shodno Odluci o pokretanju nabavke procjenjena vrijednost nabavke bez PDV-a iznosi 85.470,00 KM.

Obavještenje o nabavci objavljeno je na portalu javnih nabavki broj: 365-1-2-6-3-5/19 dana: 16.04.2019. godine i u „Službenom glasniku BiH“, broj 29/19.

U skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15) (u daljem tekstu: Uputstvo) Tenderska dokumentacija objavila se u sistemu „E-nabavke“.

U skladu sa Tenderskom dokumentacijom i Obavještenjem o nabavci dana 07.05.2019. godine sa početkom u 11 i 15 održano je javno otvaranje ponuda.

U predviđenom roku za prijem ponuda (07.05.2019. godine do 11 sati) u Agenciju je zaprimljena 1 (jedna) ponuda Institut za vode d.o.o. Bijeljina. Ponuda zaprimljena 06.05.2019. godine u 09:40 sati.

Po završetku javnog otvaranja, zapisnik sa otvaranja ponuda je potpisan te putem fax-a poslat ponuđaču koji je dostavio svoju ponudu (potvrda faxesa o poslanom zapisniku uredno je odložena u predmetu). Komisija je u punom sastavu na zatvorenom sastanku izvršila pregled i ocjenu ponuda.

Pregledom dostavljenih ponude Komisija za nabavku je utvrdila da je ponuda ponuđača dostavljena na propisan način, da je omotnica sa ponudama ispravno zatvorena, te da je ponuda uvezana i numerisana u skladu sa zahtjevima iz Tenderske dokumentacije.

Komisija je izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja ponuđača, kao i analitički prikaz traženih i dostavljenih dokumenata u svrhu ispunjavanja svih uslova shodno tenderskoj dokumentaciji, kao i analizu ponude vezana za ispunjenje zahtjeva u pogledu opisa predmeta nabavke i pregleda obrasca za cijenu ponude. Nakon izvršenog pregleda Komisija je jednoglasno konstatovala sljedeće:

Ponuda ponuđača Institut za vode d.o.o. Bijeljina je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude te je utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Komisija je izvršila provjeru računске ispravnosti ponuda te je konstatovala da nije bio razloga za ispravku računске greške.

Nije bilo osnova za primjenu preferencijalnog tretmana domaćeg, pošto je zaprimljena jedna ponuda.



U skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16), kako se radi od jednoj ponudi e-aukcija ne može se zakazati.

Ponuđač je u ponudi dostavio sve potrebne dokumente u svrhu dokazivanja činjenica potvrđenih u izjavama iz tačke 6. i 7. Tenderske dokumentacije, tako da iste nema potrebe ponovo dostavljati.

Slijedom svega naprijed navedenog, Komisija je jednoglasno ocijenila da je ponuda ponuđača Institut za vode d.o.o. Bijeljina sa ukupnom cijenom ponude u iznosu 83.136,90 KM bez PDV-a u okviru planiranih sredstava u budžetu ugovornog organa i u okviru je procijenjene vrijednosti nabavke. Ponuda ponuđača je kompletna i prihvatljiva i sadrži sve elemente tražene Tenderskom dokumentacijom.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocijenu prispjelih ponuda kao i da je izbor najpovoljnijeg dobavljača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba ugovornom organu najkasnije u roku od 10 (deset) dana od dana prijema ove Odluke na adresu: Kneza Višeslava bb, 88000 Mostar, u pisanoj formi u tri primjerka.

DIREKTOR

Dr.sci. Džemil Hajrić, s.r.

Dostaviti:

- *Institut za vode d.o.o. Bijeljina Miloša Obilića br. 51., 76300 Bijeljina,*
- *www.fsa.gov.ba,*
- *u predmet,*
- *a/a*



Kneza Višeslava bb, 88 000 Mostar, Bosna i Hercegovina
 Кнеза Вишеслава бб, 88 000 Мостар, Босна и Херцеговина
 ☎ + 3 8 7 3 6 3 3 6 9 5 0, ☎ + 3 8 7 3 6 3 3 6 9 9 0
 www.fsa.gov.ba, E-mail: agencija@fsa.gov.ba

